



Laerskool Eligwa



H/v Conan Doyle en Lion Cachet Strate • ☒ 11 • VANDERBIJLPARK • 1900 • ☎ (016) 933-4774 • E-pos: lseeligwa@eligwa.co.za

19 Junie 2026

Geagte Ouers / Voogde

NUUSBRIEF NR. 8 VAN 2026

Graag bring ek die volgende onder u aandag:

1. AKADEMIE

U kind sal 'n vorderingsverslag met die skoolsluiting op Vrydag, 26 Junie 2026 ontvang. Die vorderingsverslae kan tussen 07:00 en 07:30 by die registerpersoneel afgehaal word. Ons amptelike **ouermiddag** is op Maandag, 27 Julie 2026 **vanaf 14:00 tot 16:00**. U sal met die eerste skrywe van die derde kwartaal meer inligting hieroor ontvang.

2. VEILIGHEID – LEERDERS

Die veiligheid van elke kind is vir ons baie belangrik. Ons het egter ook u hulp as ouers/voogde nodig om seker te maak dat ons kinders voortdurend veilig is. Die volgende is dus belangrik en u as ouer/voogde moet dit met u kind bespreek:

- 2.1 U **moet** u kind betyds kom haal in die middag na skool.
- 2.2 U kind **moet** binne die terrein vir u wag by die hek waar u hom/haar gaan oplaai. Geen kind moet sonder toesig alleen in die veld oorkant die skool wag nie.
- 2.3 Hek 5 is tot 17:30 oop in die middag. Indien die ander hekke gesluit is, moet u 'n reëling tref dat u kind daar vir u wag. Ons het onderdak bankies binne die terrein by hek 5 wat die kinders kan gebruik terwyl hulle wag.
- 2.4 Indien u nie u kind self kan kom haal nie, **moet** u vir u kind sê wie hom/haar gaan kom oplaai na skool.
- 2.5 Merk u kind se tas aan die **binnekant** en nie aan die buitekant nie. Ongewenste elemente kan sy naam roep – wat hy sien op die tas – en dan dink die kind dat die persoon die gesin ken en dan saam met hom/haar in 'n voertuig klim.
- 2.6 Leer u kind om **geen** lekkergoed, koeldrank, ens. van vreemde mense te vat nie – dit word baie keer gebruik om kinders na voertuie te lok.
- 2.7 Indien leerders huis toe stap, moet hulle probeer om in groepe te stap.

U kan dus sien dat kommunikasie met u kind ongelooflik belangrik is. Die personeel is na skool besig met vergaderings, sport, kultuur, ens. en dus is dit onmoontlik om alle hekke te beman. Kom ons wees almal paraat en waaksaam en pas mekaar op.

GEEN OUER EN HOËRSKOOLEERLINGE WORD TUSSEN 07:30 EN 13:45 OP DIE TERREIN TOEGELAAT NIE! DIT IS VIR U KIND SE EIE VEILIGHEID.

3. SIEKTES

Daar is tans 'n uitbraak van RSV in Suid-Afrika. Indien u vermoed dat u kind siek is, moet haar/hom nie onnodig skool toe bring nie. Vat u kind onmiddellik dokter toe sodat hy/sy medikasie kan kry. Moedig ook u kind aan om 'n masker te dra.

4. BUITEMUURS

Die krieket en hokkie is reeds volstoom aan die gang. Spelers moet asseblief betyds by hulle onderskeie afrigters in die middag aanmeld vir oefening.

5. SKOOLFONDS

Baie dankie vir u positiewe ondersteuning ten opsigte van bogenoemde. Neem asseblief kennis dat die finansiële kantoor gesluit sal wees op Vrydag, 26 Junie 2026.

6. KLEREDRAG

Neem asseblief kennis dat slegs Ekspaar, MG's Schoolwear en White Cross toestemming het om Eligwa se skoolklere te maak en te verkoop. Indien u dit by 'n ander onwettige instansie aankoop, aanvaar die skool geen verantwoordelikheid vir die kwaliteit (kleure, snitte, materiaal, ens) nie. Indien dit dus verskil gaan ons van u verwag om dit by die regte verskaffer aan te koop sodat ons leerders deurgaans dieselfde lyk en netjies vertoon. Let wel dat die "branded socks" **SLEGS** deur "Socks for Africa" verskaf word en dat hulle dus alleen die patentreg het op die patroon. Moet asseblief nie onwettige instansies ondersteun nie anders gaan u inboet op kwaliteit. Dankie vir u begrip in die verband.

7. RUGBYRAAI

Die Springbokke speel op 4 Julie 2026 teen Engeland in Johannesburg. Dit beloof om somer 'n groot wedstryd te wees en vind plaas gedurende die skoolvakansie. Die prys sluit 'n R800 koopbewys by die Graze Restaurant by die Emerald Casino en 'n appliek muurbehangsel / taferversiering gemaak deur Jaco Franken van Bernina Vereeniging in. Die waarde van die appliek is R5000. U wen dus die totale pakket vir slegs 'n geringe bedrag van R7. Die sluitingsdatum is Donderdag, 25 Junie 2026 om 12:00. Die wenner sal na die vakansie bekend gemaak word. Die fondse sal aangewend word vir onderhoudswerk in die badkamers. Die vorms is reeds in u kind se besit. Baie dankie vir u ondersteuning.

8. REVUE

Ons beplan om vanjaar weer 'n lekker groot revue op die planke te bring waarby alle leerlinge betrokke is. Die leerlinge is reeds kliphard aan die oefen en dit beloof om somer 'n lekker ontspannende geleentheid te wees. Kaartjies beloop R100 per stoel en dit sal plaasvind op 15, 16 en 17 September 2026. Kaartjies sal by die kantoor beskikbaar wees vanaf Dinsdag, 21 Julie 2026. Ondersteun asseblief u kind.

9. VAKANSIE

Die skool sluit op Vrydag, 26 Junie 2026 en heropen weer op Dinsdag, 21 Julie 2026. 'n Aangename wintervakansie word u saam met u kinders toegewens.

Eligwagroete



BD BOSHOFF
HOOF